

新修江寧府志卷之五

紀年事表

史家立表以包括古今次其年月簡而不漏最爲編載之要若一郡之表事僅係於一郡與國史異矣而江寧則於古屢爲帝都所有事變實多固殊於他郡也若宋景定志表則繁冗無表體又託始於周江寧於周秦事甚略其可見者已具沿革今斷自三國孫吳始作事表吳漢獻帝建安二年孫策始封吳侯

十六年孫權徙治秣陵明年城石頭改秣陵爲建業

大帝權黃龍元年遷都建業

赤烏八年陳勳鑿破岡作邸閣

新修江寧府志

卷之五

紀年事表

一

十年改作太初宮

十三年廢太子和處故彰立子亮爲太子作棠邑涂塘

太元二年薨葬蔣陵

廢帝亮太平二年孫琳廢帝爲會稽王迎立景帝

景帝永安五年立子暉爲皇太子

六年建業石頭小城火燒西南一百八十丈

七年帝崩濮陽興張布言於朱太后廢暉立皓

後主皓甘露元年殺朱太后於死中十一月徙都武昌以丁固諸葛

靚鎮建業

寶鼎元年自武昌還建業

二年起昭明宮

建衡三年載太后後宮自牛渚陸道西上呼云青蓋人洛陽遇雪始返

天紀四年晉王濬以舟師至建業皓降晉琅邪王伯入屯太初宮收圖籍府庫

晉西

武帝太康元年平吳改建業為秣陵

二年分秣陵北為建業改業為鄴

三年分建鄴置江寧

十年吳敬王宴受封食丹楊吳興並吳三郡丹楊設立內史

惠帝太安二年張昌反遣其將石冰攻破揚州

永興二年陳敏克石冰遂據江東反顧榮等密圖斬之

懷帝永嘉元年以琅邪王睿都督揚州江南諸軍事假節鎮建業

孝愍帝建興元年改建業為建康

元帝建武元年愍帝詔使居攝乃即晉王位備百官立宗廟社稷於

建康

太興元年改丹楊內史為丹楊尹

二年立郊邱於建康之已地

三年立懷德縣以處琅邪國人

永昌元年王敦舉兵武昌反入石頭城不朝帝返閩月帝崩葬建平

陵

晉東

新修江寧府志

卷之五

紀年事表

一一

明帝太寧二年王敦舉兵自姑熟至温嶠等敗其軍敦憤惋死
三年帝崩葬武平陵

成帝咸和二年豫州刺史祖約歷陽太守蘇峻反入姑熟屠於湖卞
壺等拒戰於冶城死之峻逼遷天子於石頭城

四年帝在石頭匡術以苑城歸順峻子碩攻臺城焚太極東堂秘閣
皆盡温嶠等議欲遷都王導不可乃止

五年造新宮始繕苑城

八年始於覆舟山南立北郊

咸康元年石季龍入寇帝觀兵廣莫門

三年詔立太學於淮水南

六年復琅邪比漢豐沛

七年實編戶王公以下皆土斷白籍

八年崩葬興平陵

海西公太和六年桓温詣闕廢帝迎立會稽王昱是為簡文帝
簡文帝葬高平陵

孝武帝寧康元年除丹楊竹格等四航稅

太元三年作新宮

八年謝幼度破秦師於淮淝衛將軍謝安勞還師於金城

十年苻堅爲慕容冲姚萇所逼請救太保謝安救秦帝於西池餞安

安病歸八月薨

十七年新作東宮

二十一年造清暑殿新作永安宮九月帝崩於清暑殿葬隆平陵

安帝隆安二年兗州刺史王恭反其前鋒劉牢之降迎擊恭破之

五年妖賊孫恩反至建業豫州刺史譙王尚之等擊走之

元興元年荊州刺史桓元反命驃騎大將軍元顯討桓元王師敗桓

元殺元顯

二年桓元篡位僭國號楚改元永始遷帝於尋陽降爲平固王

三年帝在尋陽劉裕起兵破桓元兵於江乘又破於覆舟山元走裕

乃具百官置畱臺是年濤水入石頭敗舟萬計漂殺甚多江左頻有

濤患未有若斯之甚

新修江寧府志

卷之五

紀年事表

三

義熙元年乘輿反正

六年廣州刺史盧循反襲建康京師戒嚴築藥園柎浦廷尉三壘

九年罷臨沂湖孰皇后脂澤田以賜貧人

十年城東府

十四年帝崩葬休平陵

恭帝元熙元年劉裕廢帝爲零陵王宮於故秣陵宋永安二年被殺

葬冲平陵

宋武帝永安元年卽位詔舊郡縣以北爲名者悉除之寓立於南者聽

以南爲號

三年崩葬建康縣蔣山初寧陵

少帝景平二年徐羨之傅亮等廢帝爲營陽王迎立宜都王義隆是

爲文帝六月徐羨之使邢安泰殺帝於金昌亭

文帝元嘉十四年鳳凰見於都下改其地曰鳳凰里

十五年立儒學館於北郊作東宮

十六年立元素學史學文學江左風俗於斯爲美

二十二年築北隄立元武湖於樂游苑北興景陽山於華林園
二十五年新作閶闔廣莫二門改先廣莫曰承明開陽曰津陽
二十七年魏太武帝窺江至瓜步
三十年元凶劭弒逆崩於於合殿葬長寧陵
孝武帝元嘉三十年起兵討逆劭帝至新亭衆推卽位改新亭曰中興亭二凶及同逆並伏誅
孝建元年南郡王義宣反伏誅詔開建仲尼廟起正光殿
大明元年改景陽樓曰慶雲樓清暑殿曰嘉禾殿芳香琴堂曰連理堂建康秣陵二縣各置都官從事一人司水火劫盜
三年以揚州所統六郡爲王畿以東揚州爲揚州於元武湖北立上林苑移南郊壇於牛頭山以正陽位立皇后蠶宮於西郊
五年起明堂於國學南丙巳之地初立馳道自閶闔門至朱雀門又自承明門至元武湖
六年新作大航門置凌室於覆舟山修藏冰之禮詔上林苑內土庶邱墓欲還合葬者勿禁

新修江寧府志

卷之五

紀年事表

四

七年於元武湖大閱水師二月校獵於烏江登六合山十一月祀梁山
山大閱水師於中江十二月於博望梁山立雙闕
八年崩葬秣陵縣巖山景寧陵

前廢帝卽位以王畿諸郡爲揚州以揚州爲東揚郡罷南北馳道
永光元年以石頭城爲長樂宮東府城爲未央宮北邸爲建章宮南第爲長楊宮毀殷貴妃新安寺十一月湘東王彧等使壽寂之等弒帝葬秣陵縣南郊壇西

明帝泰豫元年崩葬臨沂縣莫府山高寧陵

後廢帝元徽元年桂陽王休範反蕭道成出頓新亭討斬之

五年王敬則等陰結楊玉夫弒帝葬秣陵縣南郊壇西蕭道成以太后令貶帝爲蒼梧王迎立順帝

順帝昇明元年沈攸之舉兵袁粲據石頭城謀誅蕭道成不果而死
三年蕭道成廢帝爲汝陰王居丹徒宮齊建元元年監人弒王而以疾赴葬遂寧陵

齊高帝建元元年卽位

二年立六門都牆

四年崩

武帝以宋元嘉二十七年生於青溪宮齊國建爲世子以石頭爲世子宮建元四年卽位立河南王長懋爲太子是爲文惠太子

永明元年築青溪舊宮作新婁湖苑

五年幸芳林園楔宴初起新林苑先是立商飈館於孫陵岡世呼九日臺至是幸焉

六年幸琅邪城講武

九年幸琅邪城講武觀者傾都普賜酒肉

十一年皇太子薨立皇孫昭業爲皇太孫七月帝崩葬景安陵

廢帝鬱林王武帝崩帝以太孫卽位隆昌元年西昌侯鸞以太后令

廢帝爲鬱林王蕭湛等弑之迎立海陵王昭文

廢帝海陵王立宣城王鸞輔政尋以太后令廢帝爲海陵王使宣城

王入篡皇統十一月王有疾遣御師殞之先是武帝立禪靈寺於都

下當時以爲壯觀識者謂鼎業遷移之象

新修江寧府志

卷之五

紀年事表

五

明帝卽位罷武帝所起新林苑以地還百姓廢文惠太子所起東田斥賣之

永泰元年王敬則反伏誅巫覡云後湖水頭經過宮內致帝疾帝決意塞之欲南引淮流會崩事寢葬興安陵

東昏永元元年淮水變赤如血都下大水死者甚衆始安王遙光據

東府反陳顯達反至都

二年崔慧景反入建業雍州刺史蕭衍舉兵反

三年龍鬪於建康淮激水五里九月蕭衍兵至南豫州李居士以新

亭降徐元瑜以東府城降十二月王珍國張稷率兵入弑帝宣德大

后令追封爲東昏侯立和帝

帝以閱武堂爲芳樂苑又於苑中立店肆模大市置射雉場二百十

六處置屏除長圍道路隔絕殿內火燒璫儀十餘殿北至華林園西

至秘閣三千餘間起芳樂等七殿又別爲潘妃神仙玉壽永壽三殿

剝取諸寺塔寶珥以爲飾

和帝中興二年梁受命奉帝爲巴陵王宮於姑孰戊辰梁遣鄭伯禽

弑之追尊為和帝

梁武帝宋孝武大明元年帝生於秣陵縣同夏里三橋宅東昏既誅帝入鎮殿內是日鳳皇集建業命焚東昏淫奢異服六十二種於都街天監四年立建興苑於秣陵建興里詔立孔子廟置建康三官號南獄廷尉三官為北獄置集雅館作東宮

六年有三象入建業改閱武堂為德陽堂聽訟堂為儀賢堂

七年作神龍仁虎闕於端門大司馬門外新作國門於越城南

九年新作緣淮塘起後渚籬門迄三橋幸國子學試胄子

十年初作宮城門三重樓及開二道

十二年新作太極殿為十三間以從閭數

普通二年置孤獨園改作南北郊火延燒後宮屋三千間

大通元年初帝勅同泰寺至是開大通門以對寺之南門幸寺捨身中大通元年都下疫帝於重雲殿為百姓設救苦齋

大同元年幸同泰寺捨身鑄十方銀像

二年都下地震生白毛長二尺

新修江寧府志

卷之五

紀年事表

六

三年幸同泰寺捨身鑄十方金銅像幸阿育王寺設無礙法喜食

七年於宮城西立士林館

太清元年帝捨身光嚴重雲二殿游仙化生皆震動三日乃止

二年侯景反至建業陷東府城

三年陷宮城帝崩於淨居殿葬修陵帝於鍾山造大愛敬寺青溪邊造智度寺又修飾國學增廣生員立五經博士

簡文帝太寶元年侯景逼帝幸西州曲宴

二年幽帝於永福省

元帝承聖元年王僧辨等乘潮入淮進至禪靈寺前侯景塞淮口緣淮作城自石頭至朱雀街十餘里陳霸先於石頭西落星山築柵連八城景亦於石頭東北築五城

二年王僧辨鎮建康有齊師移鎮姑孰旋還建康

敬帝紹泰元年王僧辨納貞陽侯淵明入建康陳霸先使侯安都襲石頭殺僧辨父子徐嗣徽襲建康入據石頭北齊遣兵據姑孰又於胡墅渡米及馬以應之侯安都襲胡墅霸先立柵於冶城

太平元年徐嗣徽合兵十萬向梁山齊兵至秣陵故城跨淮立柵自方山進及兒塘潛至鍾山龍尾趨莫府山又至元武湖陳霸先屯樂游苑東及覆舟山北縱兵大戰齊師潰江乘攝山鍾山諸軍相次克捷生擒徐嗣徽

二年遜位於陳陳奉爲江陰王薨於外邸

陳武帝永定元年幸鍾山祠蔣帝詔出佛牙於杜姥宅

二年營太極殿有樟流泊陶家後渚

三年崩葬萬安陵

文帝天嘉元年迎葬梁元帝於江寧詔逐食流移者不問僑舊悉令著籍同土斷之法以建安等八郡置東揚州

五年罷南丹陽郡城西城

天康元年崩葬永寧陵

宣帝大建四年詔自梁亂離東宮焚燼太子居永福省可剏築東宮

五年齊秦州瓜步胡墅等城降

七年焚陳桃根所上織成文錦被於雲龍神虎門幸樂游苑采甘露

新修江寧府志

卷之五

紀年事表

七

宴羣臣詔於苑內龍舟山作甘露亭

十年立方盟壇於婁湖立建興郡領建安同夏烏江江乘臨沂湖熟六縣屬揚州

十四年始興王叔陵據東府反帝崩葬顯寧陵

後主至德二年於光照殿前起臨春結綺望仙三閣

祥明二年有羣鼠無數自蔡洲岸入石頭渡淮至於青塘大風激濤水入石頭建業城無故自壞青龍出建陽井起齊雲觀隋大作戰舡

投木柅於江

三年隋總管賀若弼自廣陵北道濟京口陷南徐州進據鍾山白土岡至樂游苑韓禽虎自南道橫江濟采石陷南豫州至新林石子岡任忠引從朱雀桁趨南掖門而入帝自投於井隋晉王廣自六合桃葉山濟江入據京城命斬張貴妃胸於中橋

隋文帝開皇九年平陳詔建康城邑並平蕩耕懇於石頭置蔣州江左自東晉以來刑法疏緩至是盡更變之

十年蘇威作五教百姓怨之陳之故境皆反楊素平之廢丹陽郡併

秣陵同夏建康三縣入江寧

煬帝大業初置丹陽郡

十三年起宮丹陽將遜於江左

唐高祖武德二年置揚州東南道行臺尚書省

三年以江寧溧水二縣置揚州析置丹陽溧陽安業三縣更江寧曰

歸化以句容延陵二縣置茅州以杜伏威為使持節總管江淮以南

諸軍事揚州刺史輔公祐克丹陽進屯溧水平李子通杜伏威徙居

丹陽

六年以延陵句容復隸揚州更歸化曰金陵輔公祐據石頭反

七年趙郡王孝恭平公祐更揚州為蔣州廢行臺

九年廢都督更金陵為白下以延陵句容隸潤州以溧水溧陽丹陽

隸宣州

太宗貞觀七年更白下縣曰江寧縣

肅宗至德元載封顏真丹陽縣子

二載以江寧縣置江寧郡以高適鎮江東密圖永王璘

新修江寧府志

卷之五

紀年事表

八

乾元元年改江寧郡為昇州置浙江西道節度兼江寧軍使治昇州
後徙治蘇州

二年顏真卿拜浙西節度使徙浙西觀察使治宣州罷領昇州

上元元年劉展反襲下蜀李峘潰遂陷昇州更置上元縣

實應元年廢昇州

德宗建中元年分浙江觀察使為東西二道

二年合二道觀察置節度尋號鎮海軍節度使

四年節度使韓滉築石頭城修塢壁起建業迄京峴

憲宗元和二年鎮海節度使李錡反治石頭城

僖宗光啓三年復以上元句容溧水溧陽四縣置昇州

昭宗景福元年楊行密有國於淮南並據金陵

天福二年封行密為吳王

三年田頵襲昇州刺史李神福

宣帝唐天祐六年徐溫領昇州刺史畱廣陵使知誥為昇州防遏使

往治之

吳楊

唐南
十一年知誥城昇州廣金陵舊城二十里
十四年城成溫徙鎮海節度使治於昇州
睿帝順義元年改昇州大都督府爲金陵府建紫極宮於冶城故址
太和五年徐知誥營宮城於金陵欲徙帝都金陵不果遷
天祚元年知誥進封齊王
二年置百官以金陵府爲西都
三年建齊國立宗廟社稷改金陵曰江寧府
烈祖昇元二年廣濟倉災焚米三十萬石改吳興閣曰昇元閣瓦官
寺曰昇元寺
元宗保大十一年金陵大火逾月焚廬舍營署殆盡夏六月至秋月
不雨淮流可涉
十五年都下大火
交泰元年去帝號稱江南國主用周顯德年號
周顯德六年命修城隍治要害爲子孫計乃城金陵增戍兵
後主宋建隆二年元宗南遷帝畱金陵監國

新修江寧府志

卷之五

紀年事表

九

宋開寶三年命境內崇修佛寺
八年宋遣曹彬曹翰潘美伐江南用樊若水策作浮梁渡采石金陵
城陷吳越兵焚昇元閣避難婦女諸將置酒作樂樂人大痛殺而座
之名樂官

宋太祖開寶八年平江南以江寧府爲昇州

太宗淳化五年置上元縣淳化鎮

眞宗景德元年改陶吳舖爲金陵鎮

三年置秣陵鎮於江寧縣

大中祥符元年於茅山池中獲龍

天禧元年改長干寺曰天禧寺置常寧鎮於句容縣

二年以昇州爲江寧府治上元江寧二縣皇子封昇王

仁宗天聖五年鑿義井於天禧寺側

嘉祐四年以吳宿言昇爲始封之地進爲大國無得封從之程顥爲
上元主簿多及民之政

英宗治平四年王安石知江寧府旋召入

神宗熙寧五年分京東武衛軍權駐泊江寧府

九年王安石罷判府事尋爲集禧觀使

元豐七年王安石請以所居宅捨爲寺賜額報寧

徽宗大觀元年御筆以江寧險固足守改江寧府爲帥府

高宗建炎元年李綱議以建康爲東都葺城池宮室沿江置帥府以備控扼

二年葉適請上南渡

三年上發臨安如建康駐蹕神霄宮御筆改江寧府爲建康府太子薨殯於鐵塔寺上如浙畱杜充領行營

金人寇烏江杜充閉門不出金由馬家渡渡江陷建康通判楊邦又不屈金人剖腹取其心

四年金人焚掠建康欲自靖安渡宣化而去岳飛敗之於靖安伏於牛頭山兀术次龍灣飛破之於新城韓世忠扼兀术於黃天蕩或敎於冶城西南隅鑿大渠十餘里接江口出世忠之上世忠尾擊敗之

紹興二年詔韓世忠措置江南北岸屯田沿江修守備

新修江寧府志

卷之五

紀年事表

十

六年張浚請幸建康劉猷欲犯建康楊沂中敗之於蕩塘

七年岳飛扈駕至建康時東南所恃韓張岳三軍建康張氏部曲所在

八年上復幸浙西葉夢得爲畱守因舊址新府學面秦淮

十一年兀术窺江張劉諸將敗之命淮西江東軍馬錢糧移置於建康

十六年頒御書石經於府學

二十五年秦檜封建康郡王

三十一年金人敗盟諸將敗之

三十二年修築建康城張浚判府事

孝宗隆慶元年張孝祥奏通青溪水口入江汪澈請修築建康城

三年史正志總舟師

四年史正志以蔡寬夫宅基創貢院

淳熙三年劉珙重修府學立明道先生祠

十三年移采石水軍二千五百人屯靖安鎮

光宗紹熙元年廂禁軍舊營皆茅廬章森易瓦屋數千間始不與民居雜

寧宗慶元元年重修北門親兵寨千二百八十七楹

六年郡人朱舜庸編金陵事迹二十餘年始成至是獻之遂修爲續志

嘉泰二年吳琚乞免句容和買綿絹

開禧三年葉適措置屯田并沿江堡滬團結淮西山水寨四十七處嘉定五年作晉元帝廟祀王導而下三十六人

八年劉榘建明道先生祠江東旱蝗運使眞德秀開東門外新河因役以飽飢民立范忠宣祠於漕司創置唐灣水軍二千五百人創漕司貢院於青溪之西

十年李珣開浚行宮後古珍珠河

十四年併唐灣靖安兩水軍爲一軍

理宗紹定二年增收後湖田租遂爲額

淳祐五年立策勝六軍右軍中軍屯駐建康

新修江寧府志

卷之五

紀年事表

十一

七年募立精銳軍

寶祐四年馬光祖勅游擊將軍寨屋三千餘間於武定橋東

五年重建府治賜忠實不欺之堂額

開慶元年創游擊新軍寨屋三千餘間於西門內

景定元年浚城濠四千七百六十五丈創柵寨門浚青溪創新府城

內外亭臺祠館數十處

三年姚希德創建蜀三神祠於青溪側

四年建洞神宮於三神祠左

度宗咸淳三年重建貢院於青溪之南

恭帝德祐元年元巴延入建康都統翁福出迎起趙淮戍銀樹東壩

元世祖至元二十一年立江淮行樞密院治建康二月徙江淮行省於杭州

二十二年徙行樞密院於建康

二十三年徙杭州行御史臺於建康

二十八年改按察司爲肅政廉訪使

成宗元貞元年詔易江南諸路天慶觀爲元妙觀毀所奉宋太祖神主
使於寧國其建康路簿書命監察御史鉤考
武宗至大二年封綽和爾爲句容郡王

明宗天歷二年改潛邸所幸諸路名建康曰集慶命改集慶潛邸建大龍翔集慶寺

順帝至元元年罷江淮總管府所管集慶等處提舉司
至正十四年大兵平六合朱國珍自滁救之與耿再成守瓦梁壘
十五年滁州兵拔采石取太平使張天祐攻集慶路不克徐達自太平進克溧水陳夢先屯板橋兵敗死之其子兆先復集兵屯方山
十六年太平兵取集慶路御史大夫福壽坐鳳皇臺下督兵拒戰死之於是建國號曰吳稱吳公改集慶路爲應天府建康軍吳公以御史臺爲府張士誠攻鎮江吳徐達與戰於龍潭敗之
十九年陳友諒攻建康吳公親總大兵於盧龍山破之

新修江寧府志

卷之五

紀年事表

十一

二十四年吳公進位稱吳王建百官繪塑功臣像於卞壺及蔣子文廟

二十五年以集慶路學爲國子監

明
二十六年杖張士誠於竹橋縊殺之明改築應天城作新宮鍾山之陽置江南行中書省治應天府

太祖以至正二十七年爲吳元年建廟社宮室

以至正二十八年爲洪武元年以應天爲南京初建國號意在大中既而祈天乃定曰明

二年令府縣立學降溧水州爲縣建新城立十廟於雞鳴山後又增

功臣廟爲十一後又增四廟

四年築浦子口城

九年析置江浦縣

十一年改南京爲京師改大都督府爲五軍都督府

二十三年以揚州之六合縣屬應天府

三十年命工部建馬草場於六合

三十一年崩葬孝陵

恭閔帝建文四年燕王反兵至六合己丑燕兵犯金川門都城陷帝不知所終

成祖既克京師以建文四年爲洪武三十五年明年爲永樂元年分命諸將守城還駐龍江

永樂元年設溧水廣通鎮關

四年狩北京以皇太子監國大小庶務悉以委之府部大小諸臣六軍按堵如故

十七年皇太子歸青宮以皇太孫畱守南京六部政悉移而北

十八年行在六部落行在字諸九卿大小省署之畱者皆稱南京
二十二年皇太子卽位是爲仁宗

仁宗洪熙元年始設南京守備命皇太子謁孝陵遂命居守南京叵何晏駕皇太子來自南都卽位是爲宣宗始制詔太監鄭和等稱內守備駙馬都尉沐琮襄城伯李隆等稱外守備

孝宗宏治四年置高淳縣

新修江寧府志

卷之五

紀年事表

十三

武宗正德十四年自將擊宸濠幸南京

十五年正月謁孝陵於南京備諸劇戲六月幸牛首宿焉八月受江西俘旋蹕發龍江漁於江口

國朝順治元年是年二月流寇陷京師明帝崩五月江南迎立福王卽位於南京號宏光元年

順治二年 豫王下江南明忻城伯趙之龍及軍民人等投誠執福藩江南平改南京爲江南省應天府爲江寧府改府尹爲知府治中爲同知設立經略招撫內院大學士是年開科江南省在江寧鄉試自是鄉試定爲子午卯酉年遣內官正副二員陵戶四十名看守明孝陵

三年丙戌再行鄉試

四年改經略招撫爲總督轄江南江西河南三省

六年建駐防城改總督轄江南江西二省

八年改國子監爲江寧府學

十六年海寇鄭成功犯江寧梁化鳳平之改神策門爲得勝門

十七年重建駐防城起太平門東至通濟門東止

康熙元年裁操江都御史歸並總督兼管

三年改總督專轄江南一省

二十一年復改總督轄江南江西二省

二十三年

南巡至於上元以將軍府為 行宮越日

躬祭明太祖陵

登觀象臺望元武湖

賜題曠觀二字

駐蹕大教場受臣民朝見

二十六年十一月

恩旨蠲二十七年應徵地丁各項錢糧及二十六年未完錢糧江寧與焉

二十八年

南巡至於上元以織造府為 行宮允督臣傳臘塔奏免房稅

三十年十二月

新修江寧府志

卷之五

紀年事表

十四

恩旨蠲歲運漕米以次逐省各蠲免一年江寧與焉

三十八年

南巡至於上元以織造府為 行宮三日

恩旨蠲江蘇安徽巡撫所屬舊欠帶徵錢糧及三十四五六年一應帶徵錢糧

雜稅俱著豁免

四十二年

南巡至於上元以織造府為 行宮

遣皇太子祭明太祖陵頒

御書治隆唐宋四字額陞賞各官有差賚貧民

四十四

南巡至於上元以織造府為 行宮

遣皇太子祭明太祖陵三月十八日

萬壽士民恭進

御饌

命翰林學士揆敘試士子於秦淮棘院各賦詩二章取士錢榮世等五人

頒接統濂溪額於明道書院

賜原任工部尚書熊一瀟訓忠堂額

四十六年

南巡至於上元以織造府為行宮

御書朱子詩

賜上元縣知縣趙聯捷

賜耆老帛肉有差十一月

恩旨蠲江南浙江通省地丁錢糧

五十一年

特旨將天下地丁錢糧自五十年為始三年之內全免一週除將直隸奉天浙

江福建廣東廣西四川雲南貴州及山西河南陝甘兩湖各直省五

十年五十一年地丁錢糧一槩蠲免歷年舊欠錢糧一併免征外所

有江寧安徽山東山西各撫屬除漕項外五十二年應徵地畝銀俱

著察明全免

五十六年

新修江寧府志

卷之五

紀年事表

十五

恩旨蠲免直隸安徽八處帶徵地丁屯衛其漕項雖例不准免亦著破格施恩

將安徽江蘇所屬帶徵漕項銀及米豆蠲免各半

雍正元年

恩蠲江蘇等屬蘆課銀江寧與焉

十一年緩徵江蘇被水州縣江寧與焉

十二年截畱起運漕糧二十萬石於被水州縣平糶緩徵應徵新舊

欠銀及南漕等米江寧與焉

十三年九月

高宗純皇帝御極

諭各省民欠錢糧已於恩詔內概免茲特再行降旨於恩詔外將雍正十二年

以前無論官侵吏蝕亦著照民欠例寬免

乾隆元年六月

諭酌免江南江西被水鄉村本年額賦江寧與焉

十年六月

恩旨將丙寅年直省應徵錢糧通行豁免江寧與焉土民於庚午年九月建亭

皇恩

於聚寶門外雨花臺上恭紀

十六年恭奉

皇太后鑾輿南巡三月

駐蹕江寧

謁明太祖陵

恩免元年至十三年止江蘇積欠地丁錢糧

召試士子於鍾山書院

閱兵於小營

賜鍾山書院及蘇州之紫陽書院杭州之敷文書院

武英殿所刊十三經廿

一史一部

二十二年恭奉

皇太后鑾輿南巡二月

駐蹕江寧

閱武於小營

新修江寧府志

卷之五

紀年事表

十六

泛舟後湖

召試士子於鍾山書院加賑江南被災州縣著將江南省乾隆十年以前積欠

漕項銀米及地丁耗羨一概豁免奉

旨前諭江浙兩省各截漕五萬石以備平糶數恐不足著再截留五萬石分貯

平糶

二十六年恭奉

皇太后七旬萬壽因江南被災奉

旨改於明年二十七年恭奉

皇太后鑾輿南巡截留江浙兩省冬兌漕糧十萬石分廠平糶

二十七年二月

駐蹕江寧

謁明太祖陵

閱武於小營加賑去年被災州縣著將江蘇安徽浙江三省自乾隆二十二年

起至二十六年止所有節年災田緩徵及未完地丁概予蠲免將

江蘇安徽浙江三省本年應試文章大學增取五名中學四名小學

三名

召試士子於鍾山書院

二十九年奉

旨明年恭奉

皇太后鑾輿南巡著照從前之例於江浙二省冬兌漕糧內截留十萬石在於駐蹕地方平糶

三十年三月

駐蹕江寧

謁明太祖陵

閱武於小營

幸靈谷寺

御製金陵詠古諸詩

召試士子於鍾山書院

蠲免江蘇安徽乾隆二十五年以前因災未完蠲剩河驛俸工等款並二十六年七八二年因災未完地丁以及二十八年以前因災未完漕項

新修江寧府志

卷之五

紀年事表

十七

三十五年恭逢

皇太后八旬萬壽

特恩將天下錢糧普行蠲免江寧與焉

四十一年

恩旨將句容江浦等十八州縣二十九年分被災緩漕於四十二年帶徵

四十二年

恩旨自戊戌年為始普蠲天下錢糧仍分三年輪免江蘇等八省於戊戌年全行蠲免

四十五年恭逢

七旬萬壽降旨允江浙督撫所請南巡著照從前之例於兩省冬兌漕糧內截留十萬石在於駐蹕地方平糶二月

駐蹕江寧

祭明太祖陵

召試士子於鍾山書院

恩旨著於庚子年為始復行普免天下漕糧一次江寧與焉便民河成

上由此旋蹕復至棲霞

四十九年

南巡降旨著昭從前之例於江浙兩省冬兌漕糧內各截畱十萬石豫備平糶
上元句容丹徒三縣因上年被災加賑兩月三月

駐蹕江寧

祭明陵

召試士子於鍾山書院將江寧藩司所屬積欠地丁漕項等欸未完銀漕糧等
欸未完米豆俱著全行豁免

加賞江南浙江二省老民老婦 著將江南之江寧蘇州浙江之杭州附郭諸

縣本年應徵地丁錢糧概予豁免

五十二年將江寧府屬之江寧上元江浦三縣被災邨莊俱著酌借
籽種口糧

五十六年緩徵江寧等五府州自四十八年起至五十四年止因災
積欠銀米分作四年帶徵

五十九年九月

新修江寧府志

卷之五

紀年事表

十八

恩旨普免六十年應徵銀糧一次江寧與焉